



伊8  
1834  
14







古今歷代標題註釋十九史略通考卷之八

松塢門人番陽竹窩余進宗海通考

元

○ 世祖皇帝姓奇渥温氏名忽必烈憲宗母弟也

其先世為蒙古部長至也速該吞併諸部始強

大長上子鐵木真以宋開禧二年稱帝深沉有

大略用兵如神滅國四十遂平西夏定西域在

位二十二年而祖廟號太祖開禧寧宗年號子太宗窩

闊台立有寬弘之量委任賢相耶律楚材庶民

如用  
神兵



樂業時稱治平約宋滅金國勢愈昌焉在位十

三年殂樂音洛下同○耶律姓楚林名字晉卿

之子也為元中書令及卒追封廣寧王謚文正子定宗貴由立三年殂

從弟憲宗蒙哥立剛明雄略沉斷寡言不樂飲

宴不好侈靡善用兵南征至釣魚山而殂斷好皆去

聲○憲宗拖雷之子太祖之孫也弟忽必烈立是為世祖仁明

英睿事母至孝以至元十六年平宋天下為一

母曰莊獻太后怯烈氏○十八年集賢大學士兼國子祭

酒致仕許衡卒衡懷慶河內人幼穎悟出入經

傳沈濫佛老及姚樞授以伊川易傳晦庵四書

集註遂棄其學而學焉傳去至元七年為中書

左丞尋遷是職與丞相阿合馬不相樂力求去

樂去居家勤儉強於自治公私兼盡不嚴而整

閨門之內若朝廷然喪祭不用老佛懷孟化之

旁舍有僧年百餘歲嘗謂其徒曰老僧苦行百

年亦不能作佛徒為不孝之人羞見祖宗於地

下但願汝等還俗以壽汝祖宗之嗣自是不復

度弟子蓋化之也至是卒謚文正衡年七十三  
皇慶二年從



殺宋右丞相文祥

祀孔子廟庭

○十九年殺宋右丞相少保信國公文

天祥信國公

初崖山既破張弘範置酒大會謂

天祥曰國亡丞相忠孝盡矣能改心以事宋者

事今不失為宰相也天祥泣然流涕曰國亡不

能救為人臣者死有餘罪况敢逃其死而貳其

心乎弘範曰國亡矣殺身為忠誰復書之天祥

曰商非不亡夷齊自不食周粟人臣各盡其心

何論書與不書弘範為之改容論為皆去聲遣送于

燕道經吉州痛恨不食八日猶生乃復食不食八日

天祥八日不食猶生

天祥燕獄集嘯詩于世

蓋欲首立于家山也及過吉州不死乃復食焉及至燕不屈繫獄厲操

愈堅自號浮休道人至是賜死天祥將出獄即

為贊曰孔曰成仁孟曰取義惟其義盡是以仁

至讀聖賢書所學何事而今而後庶幾無愧商

面再拜而死其在京口有指南集在燕獄有吟

嘯集及集杜詩百首行于世幾音折○孔子曰殺身成仁孟子曰

舍生取義謂孔子賢謂孟子子南面再拜者謝宋恩也

人臣之行莫大於忠而忠莫大於死夫死者

人所甚難也死苟得其所雖捐軀隕命復何



所顧避哉觀文天祥之盡忠於宋可見矣蓋天祥起自亂離即有恢復之志出使元師議論不屈遂被拘留得間亡歸備經險阻募兵勤王力竭而止身就俘執萬死不降繫獄四年志操益厲其忠誠節義真可以貫日月而凌冰霜矣世祖知其如此而終殺之何以爲人臣之勸哉

二十五年召宋故臣謝枋得不至參政魏天祐執之送京師枋音方枋得號疊山德祐間知信州

謝枋  
得不死

戰敗變姓名逃匿至是上訪求南人有才德者甚急御史程文海承旨留夢炎交章薦之枋得力辭不赴時天祐朝京逼以北行朝音湖○二十六年宋江西招諭使知信州謝枋得至京師不食死○廣東賊鍾明亮寇贛州掠寧都據秀嶺遣江西行省左丞管如德帥師討之明亮降○台州賊楊鎮龍寇東陽義烏諸王允吉帶率兵討平之允吉帶時謫婺州鍾明亮寇梅州其黨江羅寇漳州韶雄諸賊皆應之詔福建江西合兵討之

管如德  
鍾明亮



江霖西  
水溢兩  
地震

應去聲○韶雄二  
州名並屬廣東

○二十七年鍾明亮復降詔

縛送京師管如德留不遣明亮復寇贛州○江

西霖雨水溢○地震武平尤甚壓死官民七千餘人壞倉庫局四百餘間

民居不可勝計○江陰寧國等路大水民流移者四十

五萬餘戶詔發粟賑之○易水溢雄莫任立新

安田廬漂沒無遺詔有司築隄障之○二十八

年免江淮逋租○徵劉因為集賢學士不至因保

定容城人前為太子贊善以繼母病去位至是母亡徵不起○三十年前右

贊善大夫劉因卒年四十五贈翰林學士封谷城郡公謚文靖有四書精要

三十卷詩五  
卷行于世  
○三十一年帝崩在位三十五年

改元者二曰中統至元元上度量弘廣知人善任

信用儒術愛養黎庶每遇灾傷免租賑饑惟恐

不及故能用夏變夷混一區宇平綱陳紀所以

為一代之制者宏遠矣皇孫立是為成宗皇帝

夏謂華夏夷謂夷狄

愚按有元之興雖自太祖太宗然紹承正朔

者實自世祖始也蓋世祖滅宋之後猶好征

遠夷於是雲南交趾高麗日本八百媳婦瓜



田租十分之三

哇等國悉皆臣服坐致太平迹其度量弘廣  
知人善任文武之臣各盡其用制禮作樂民  
物阜康夷狄之盛古未有也然崇信佛老而  
異教興志伐遠夷而武事黷殺宋忠臣而刑  
獄濫縱后預政而治體乖甚者不相漢人而  
文明之治衰不置諫官而忠直之路塞其垂  
統既已如此而欲久安長治不亦難哉

成宗皇帝名鐵木耳故太子真金子也初真金  
薨立為皇太孫撫軍北邊首蠲田租十分之三

至是即位蠲音倫免也分去聲○開府儀同三司太傅錄

軍國重事伯顏卒封臨安王謚忠武○元貞元年詔改

江南諸路天慶觀為玄妙觀觀去聲

士張與才為太素凝神廣道真人領江南諸路

道教與才信州龍虎山人蓋○大德元年五臺

山佛寺成○二年詔以水旱減郡縣田租十分

之三傷甚者盡免之分去聲下同○罷中外土木之

役○三年遣使問民疾苦免江南夏稅十分之

三○命中書省自今后妃諸王所需非奉旨勿

罷土木之役



劉深擊八百媳婦

暴風起雨發

給

需索也

○五年遣中書右丞劉深等將兵擊八

百媳婦

八百媳婦南蠻國名

○雲南土官宋隆濟反時劉

深由順元入雲南調兵供饋隆濟因給其衆曰

官軍徵發汝等欲盡剪髮黥面為兵身死行陣

妻妾為虜衆惑其言遂反攻貴州知州張懷德

戰死雲南行省平章床兀兒將兵討之殺賊首

撒月斬首五百級

調去聲行陣之行音抗

○秋七月晝晦

暴風起東北雨雹兼發江湖汎濫東起通泰崇

明西盡真州民被灾傷者不可勝計以米賑之

寇音泊勝音升

○遣薛超兀兒等將兵伐金齒時征緬

師還為金齒所遮士卒多戰死又接八百媳婦

諸蠻相效不輸賦稅故伐之

緬音免為去聲○金齒緬並南蠻國

名 ○遣劉因傑等將兵討宋隆濟 ○六年罷征

八百媳婦免劉深等官

以其喪師辱國故也

○七年帝如

上都左丞相荅刺罕哈刺孫言僧人脩佛事

必釋重囚有殺人者皆指名釋之生者苟免死

者負冤於福何有帝然之

荅音塔刺郎達友後並同○臨江張氏曰

元史所載國人名氏本不可以華音釋之蓋國語所稱人名皆有其名而無其字當時持借華

僧人入佛事



彗星見地震如雷

音相近之字以用之如解合帶泰同一音也色八拜百同一韻也或鐵木帖睦之相混或塔失達識之不同前後彼此不一若此之類不容舉將何者以為正說至若刺字兒字林字里字之類又皆舌而呼之是豈華音所能釋乎讀者以意求之可也 ○地震平陽太

原尤甚遣使分道賑濟 ○八年雲南順元同知宣撫事宋阿重擒其叔宋隆濟來獻特陞其官賜衣一襲襲重衣也 ○彗星見凡七十六日而滅音見

現 ○九年大同路地震有聲如雷壞官民廬舍五千餘間壓死二千餘人懷仁縣地裂二所湧黑水漂出松栢朽木遣使賑之 ○十年春二月

鄭州暴風雷雨

大同路暴風大雪壞廬舍明日雨沙陰霾馬牛多斃人有死者埋去聲 ○夏四月鄭州暴風雨雹大如雞卵卵麥及桑棗皆隕詔免今年田租 ○大都旱 ○開成路地震壞王宮及官民廬舍歷死五千餘人 ○十一年帝崩在位十三年改元者二曰元貞大德姪懷寧王立是為武宗皇帝

臨江張氏曰成宗承天下混一之後垂拱而治可謂善於守成者矣惟其末年連歲寢疾



加號孔子大成至

凡國家政事內則決於宮闈外則委於大臣  
饑饉荐臻災異迭見其不致於廢墜者則以  
去世祖未遠成憲具在故也

○武宗皇帝名海山成宗兄答剌麻八剌之子也  
先是總兵北邊屢立武功成宗崩安西王阿難  
答與左丞相阿忽台等謀作亂賴愛育黎拔力  
八達及右丞相哈剌哈孫討而誅之迎海山即  
位○加號孔子為大成至聖文宣王○至大元  
年右丞相答剌罕哈剌哈孫卒哈剌哈孫為人  
威重不妄言笑

聖文宣王

善騎射重儒術世宗命掌宿衛號答剌罕自是  
人稱為答剌罕而不名拜大宗正用法平允至  
元二十二年出為胡廣行省平章政事成宗時  
由江浙右丞相入為中書左丞相大德七年拜  
右丞相○二年禁日者方士出入諸王公主近  
至是卒

侍諸官之門○定制大成至聖文宣王春秋二  
丁釋奠用太牢具牛羊豕○三年夏六月襄陽

陝州汝州六安州大水秋七月循州大水漂廬  
舍民多滄死發米賑之滄音諸沒也○四年帝崩在

位五年壽三十一皇弟立是為仁宗皇帝

臨江張氏曰武宗承富有之業慨然欲創治

民多滄死



改法故其封爵大成而遙授之官衆錫賚太隆而應賞之恩薄至元大德之政於是稍有變更云

○仁宗皇帝名愛育黎拔力八達武宗之母弟也初阿忽台等既誅諸王闊闊出等勸其早正大位帝曰王何為出此言彼惡人潛結宮壺構亂我家故誅之豈欲覲望神器邪懷寧王吾兄也大位當歸之於是迎入即位武宗以帝為皇太弟至是即位罷尚書省誅左丞相脫虎脫等以下

其變亂舊章流毒百姓也

壺與閫同覲音計窺竊也先是立尚書省

之故羅○命中書平章政事李孟領國子學勉勵

諸生

孟字道復路州上黨人

○帝覽貞觀政要謂侍臣曰

此有益於國家又有進大學衍義者帝曰治天

下此一書足矣並命譯以國語刊行之

譯音亦謂通

夷夏之言以轉告之也

○罷諸營繕

從李孟言也

○皇慶元年

禁止諸王毋得以農時出獵○延祐元年敕郡縣官勤職者加賜幣帛○帝以資治通鑑載前代興亡治亂命集賢院官擇其切要者譯寫以



進○二年夏五月秦州成紀縣山移是夕疾風  
電雹北山南移至夕河川次日再移平地突出  
土阜高者二三丈陷沒民居遣使賑恤○四年  
成紀縣山崩○七年帝崩在位九年改元者二  
曰皇慶延祐皇太子立是為英宗皇帝  
臨江張氏曰仁宗天性慈孝聰明恭儉通達  
儒術亦留心釋典嘗曰明心見性雖以釋教  
為先然脩身治國儒道為大也又曰儒者之  
所以可尚者以能維持三綱五常之道耳平

居服御質素澹然無欲不事游畋不喜征伐  
不崇貨利事皇太后終身不違顏色待宗親  
勲舊始終以禮大臣親老特加恩賚大官進  
膳必分賜貴近有司奏大辟為慘恒久之其  
孜孜為治則一遵世祖成憲云

英宗皇帝名碩德八剌仁宗不豫憂形於色每  
夕焚香祝天求以身代及崩哀毀踰禮素服寢  
于地日歎一粥時有獻七寶帶者因近臣以進  
帝曰朕登大位不聞卿薦賢才而為人進帶則



吳澄  
經傳  
貫通

是利誘朕也其還之歡昌悅反飲也因者也○至治二年

以拜住為右丞相○三年春正月以吳澄為翰

林學士澄字幼清崇仁人經傳悉通貫用力聖

賢之學仁宗朝為國子監丞陞司業澄嘗為學

者言朱子於道問學之功居多而陸子靜以尊

德性為本問學不本於德性其弊必偏於言語

訓釋故學必以德性為本議者遂以澄為陸氏

之學至是以拜住薦故有是命傳去聲朝音潮

撫州子靜名九淵金谿人與朱子爭論太極圖說且謂學有悟入機朱子從事訓辭意見頗立

異云○二月帝畋於柳林三月如上都秋八月還

至商坡御史大夫鐵失等殺右丞相拜住遂弒

帝在位四年改元者一皇叔立是為泰定皇帝

拜住後追封東平王謚忠憲

臨江張氏曰英宗天性剛明嘗戒羣臣曰卿

等居高位食厚祿當勉力圖報苟或貪之朕

不惜賜賚汝若為不法則必刑無赦八思吉

思以罪下獄帝謂左右曰法者祖宗所制非

朕所得私八思吉思事朕日久今其有罪當



論如法其明斷如此然果於誅戮奸黨畏罪  
遂構大變云

臨江梁氏曰拜住為相振立紀綱脩舉廢墜  
裁不急之務杜僥倖之門加惠兵民輕徭薄  
稅英宗倚之相與勵精為治時天下晏然國  
富民足遠夷朝貢而奸臣畏之卒構禍難可  
勝惜哉

○泰定皇帝名也孫鐵木兒真金之孫也封晉王  
鎮北邊內史倒刺沙得幸於王以其子哈散事

拜住入宿衛久之哈散歸言鐵失與拜住意忤  
欲傾害之至治三年宣徽使探惑來王郎與倒  
刺沙言主上將不容於晉王倒刺沙乃與探惑  
深相交結未幾鐵失密遣幹羅思來曰吾與哈  
散有謀焉事成立王為帝王囚幹羅思遣人至  
上都以逆謀告未至而英宗遇害王遂即位誅  
鐵失等忤音吾○泰定元年帝受佛法於帝師○  
成紀大水山崩水溢成紀縣名屬秦州○二年頒道經  
於天下名山宮觀觀去聲○息州民趙丑斲郭善

帝受  
佛法  
頒經



薩言彌勒佛當有天下遂作亂遣兵討而誅之

斯音斯音殺音

○令民納粟補官以備賑卹

石從八品三百石正九品 ○皇后赤憐真八刺

氏受佛戒於帝師 ○四年皇子允丹藏十受佛

戒於智泉寺 ○致和元年春三月帝御興聖殿

受無量佛戒於帝師秋七月帝崩在位五年壽

三十六改元者二曰泰定致和姪周主立是為

明宗皇帝

臨江梁氏曰泰定之世灾異迭見君臣之間

未見其引咎責躬之實然能知祖宗之法以

行天下無事號稱治平茲其所以足稱也夫

明宗皇帝名和世球武宗之長子也

球音速長上聲 初

武宗崩仁宗立約以次傳位於和世球及議建

儲丞相鐵木迭兒欲固位取寵乃議立英宗為

太子又與失列門等譖和世球遂封之為周王

出鎮雲南其官屬謀曰天下者我武皇之天下

也出鎮之事本非上意由左右構成請以事白

行省俾聞之朝廷庶可杜塞離間王遂與數騎



謀舉  
義兵

北去西行至金山西北諸王咸率眾來附遂居  
北都朝音潮間其弟圖帖穆爾亦以譖出鎮雲  
南至英宗世封懷王徙金陵又徙江陵及泰定  
帝崩燕帖木兒等謀舉義兵令眾曰武皇有子  
二人大統所在當迎立之不從者死乃宣言迎  
周王於北而即迎懷王入燕都權攝位以俟周  
王至二人謂周明年周王至和寧遂即位以懷  
王為皇太弟懷王出迎帝宴于行殿是日帝暴  
崩稱帝僅八閱月未及改元懷王立是為文宗

皇帝

文宗皇帝名圖帖穆爾明宗之弟也攝位一年  
為太子者一年復位又三年凡五年改元者二  
曰天曆至順姪郯王立是為寧宗皇帝

古岡黎氏曰明宗迎立朔漢文宗攝位改元  
行幄暴崩文宗難逃弒逆詔除廟主不亦宜  
乎

寧宗皇帝名懿璘質班明宗次子也文宗后雍  
吉刺氏立之在位月餘而崩皇兄立是為順皇



帝

順皇帝名妥懽帖睦爾明宗長子也文宗后立

之長上○元統二年雨血于汴梁著衣皆赤去雨

聲○有流星大如杯其色赤約長五尺餘光明

燭地太白屢經天京師地震山崩陷為池方百

里人死者甚眾在帝之世變星日食山崩地震

○至元元年右丞相伯顏殺左丞相唐其勢遂

弒皇后伯牙吳氏唐其勢燕帖木兒之姪皇后

勢位居已燕帖木兒之女伯顏忿唐其○二年詔罷科舉從伯顏○三年帝

兩著衣皆赤

山地崩

伯顏弒后

罷科舉

伯顏死

獵于柳林○朱光卿韓法師捧胡等兵起遣兵

討之光卿廣東人法師台州人捧胡汝寧人○

四年朱光卿等伏誅○帝獵于柳林夏五月如

上都秋八月還大都帝無歲不巡幸○金華處

士許謙卒謙字益之號曰白雲先生仁山金履

物鈔八卷讀書傳叢說六卷觀史治○至正六

年伯顏有罪貶為河南左丞徙南恩州安置道

死○撤文宗廟主遷其后雍吉刺氏於東安州

安置殺其子燕帖古思撤謂除○山東河南兵

史卷八

六



朱公遷為金華學正

起遣兵討之○七年以朱公遷為金華郡學正

金華府名屬浙江初公遷以遺逸舉授翰林直學士數

直諫為當國者所惡公遷亦知世之不可有為

力求補外故有是命數音朔為惡並去聲公遷字克升番

陽人其父梧岡先生聞同邑準軒吳中行得黃

勉齊之學於雙峯饒魯因往準軒學焉公遷之

學得之家庭所著詩傳疏義四書約說及通旨

行于世勉齋名幹字直卿三山人雙峯字仲元鄱陽人○汾江兵起剽

略無忌有司莫能禁○八年台州方谷珍兵起

劉福起

遣兵擊之○翰林學士致仕虞集卒

集字伯生臨川人封

仁壽郡公○九年以中書脫脫為右丞相

脫脫伯顏之姪也初

伯顏弄權脫脫以大義滅親封太傅至于為相

○十一年潁州劉福通

兵起初欒城人韓山童以白蓮會燒香惑眾倡

言天下大亂彌勒佛下生河南江淮愚民翕然

信之福通與杜遵道等又言山童當為中國主

欲同起兵事覺山童就擒其子林兒逃之武安

福通遂反以紅巾為號據朱臯遂犯舞陽葉縣

等處葉音設屬南陽○蘄州徐壽輝鄒普勝兵起

壽輝羅田

徐壽輝鄒



普勝兵起 徐壽輝 帝稱

張誠王京大 誠士 王城 京飢

人普勝麻成人以妖術聚  
衆作亂亦以紅巾為號  
○劉福通陷汝寧府

及息州光州兵至十萬  
○徐壽輝稱帝國號天完  
○

十二年徐壽輝遣兵陷漢陽興國及武昌安陸

沔陽中興路又遣兵攻陷江州元總管李黼死

之遂陷南康岳房歸袁瑞饒徽信等州○十三

年泰州張士誠兵起陷高郵據之自稱誠王國改元

○京城大饑民或父子相食  
○造龍舟帝於內苑造龍舟

舟自製其椽首尾長一百二十尺廣二十尺以  
五采金裝自後官山下海子口注來遊鱖船行  
則龍首尾  
○行運氣術作天魔舞哈麻等陰進

習之以宮女十六人按舞名為天魔舞又宮女  
十一人奏樂以管者領之  
○十四年以脫脫總

制諸王諸省軍馬伐張士誠大捷遂復六合詔

削奪脫脫官爵安置淮安哈麻與脫脫有隙恐其成功故構陷之

○十五年劉福通以韓林兒稱帝劉福通自碭山夾河迎韓

林兒至亳州立以為  
○元中書左丞相哈麻矯

詔殺太師中書右丞相脫脫于淮安年四  
○我

太祖皇帝起兵自和州渡江取太平路自紅巾

倡亂之後南北郡縣多陷沒故我

皇太祖

劉福通 林兒 稱帝

皇太祖



取平  
路太

明珍  
王稱  
蜀自  
玉

太伐  
祖漢  
友主  
諒陳

太取  
祖益  
都

太祖從而取之○十六年元哈麻伏誅哈麻謀廢立事

覺故○十八年陳友諒破安慶元淮南行省參

知政事余闕死之闕字廷心廬州人○劉福通

取汴梁迎其主韓林兒都之○十九年元察罕

帖木兒攻破汴梁劉福通奉其主韓林兒走求

豐○二十年陳友諒弒其主徐壽輝於太平路

遂自稱帝回駐江州國號漢改元大義○二十二年我

太祖皇帝遣兵取江西諸郡○明玉珍據成都

自稱蜀王○二十三年明玉珍稱帝國號夏改元天統

我

太祖皇帝自將伐漢主陳友諒于番陽湖誅之

其子理自立仍據武昌進師圍之○二十四年

我

太祖皇帝克武昌擒陳理湖南北江東西諸郡

皆平漢二主僭號凡四年亡○二十七年我

太祖皇帝遣兵取益都元宣慰使普顏不花總

管胡濬知院張俊皆死之○洪武元年我

太祖皇帝遣將由中灤渡河三日而取衛五日



而取相州七日而取平彰德及廣平八日而取順德兵至通州元主棄城北遁在位三十六年改元者三曰元統至元至正元自太祖至是凡十四世一百六十三年紹正統者實八十九年而亡漵洛官反相去聲

按寧宗幼冲嗣位月餘而崩無足道者順帝性柔少斷奸臣伯顏哈麻等相繼弄權朝政日紊以致羣雄並起稱帝稱王朝廷命將出征自爲仇敵連年攻擊帝猶不悟迎西蕃僧

術  
行運氣之術教宮女作天魔之舞不恤政事自取滅亡蓋太平之業天將啓聖人而授之非人謀之所及也攷論元之有天下殊方絕域靡不臣服輿圖之廣亘古所無而世祖之定法也本之以寬仁加之以周密繼繼承承勿替引之宜無弊也然立賢無方學古入官禮義廉恥國之四維治道之要也世祖之約不以漢人爲相故爲相皆國族而又不置諫官使忠直路塞文學之士雖世世不乏而沉



於下僚所賴以為用者唯吏師而已其為法如是是以朝皆苟且之政而士無謬譎之風官有貪婪之實而吏多欺誑之文將欲求保萬邦比隆三代無乃未之思乎是歲戊申春正月

太祖高皇帝登寶位于南郊建元曰洪武元年天厭元德九州糜沸群猾並作黎民惶惶古今歷代標題註釋十九史略通考卷之八

萬曆九年秋七月

殿下御經筵謂左右曰十九史略一書簡明精切甚有益于訓蒙第史斷若論印以小註纖微難讀依少微通鑑例用大字係於本傳之後庶便觀覽仍

命臣監其事兼令臣離校臣竊觀舊本非但間有錯字或傳襲課訛不能無可疑處迺攷綱目等書悉稟

睿裁稍加訂正與舊本略相異同然逐節修改



有違傳疑之意自非大段錯誤誤悉從舊本  
天地圖涉於荒誕故舊本雖存而刪去之  
潘氏論詳於評議故舊本雖無而添入之  
是亦

聖旨也讀是書者蓋不可不知此意云

萬曆十年九月庚申通善郎行弘文館副  
校理知製教兼經筵侍讀官春秋館  
記注官漢學教授臣金晬奉

敬識

皇帝提三尺劍奮起草萊指顧之間豪傑景附  
矛鋒所向戰克攻取

皇帝心知天意之有在爰舉有衆以與萬姓請  
命一征而取荆襄再征而清浙江三征而  
閩海罕從四征而席卷全齊五征而定周  
及梁遂取秦晉舉燕趙南交北貊東夷西  
羗海外之邦莫不望風遣使奉朔稱臣拜  
伏闕庭於是民獲所歸上下神祇咸有依  
託慶雲甘露游奏禎祥



帝心謙抑每讓弗居洪武三年五月陝西寶鷄  
縣進瑞麥一莖五穗者一本三穗者三本  
兩穗者十有餘本蓋自兵興以來王保保  
據周宋李思齊張思道據秦燕晉趙齊梁  
之間大豪小猾或憑城郭或聚山寨皆假  
元為名分割境土擅兵相攻於是燕晉周  
秦之地彌數千里連歲無雨百穀不生民  
相殺食且盡今年夏四月王師奏捷于蘭  
州朔漠掃清關隴底定天乃大降甘雨滋

為嘉瑞和氣致祥不亦昭哉周頌有曰綏  
萬邦屢豐年天命匪懈傳者謂商之季年  
比歲旱荒至周武王克紂受命而天下遂  
獲豐年由今觀之信非誣矣漢謠以麥穗  
兩岐歌其太守之美政則是兩岐之麥世  
所希有而况於三岐以至五岐者哉頌聲  
之作弗可闕也頌曰

神雀赤鳥其羽不可以為儀紫蓬平露其  
實不可以療飢豈若五穀之為瑞可以厚



民之生豐國之資者哉元失其鹿天下共  
逐擾擾紛紛強食弱肉皇天振怒誕命

真主肅將天威以靖區宇騎士如雲猛將如龍  
發縱指示悉出

帝哀表既平南東遂定西北民居攸奠品物咸殖

爰有嘉麥一本五岐布葉萋萋結實離離  
既齊既平先百穀成擢穎揚芒金枝翠英  
溥彼原田滃若雲煙望之油油即之芊芊  
其種伊何降自穹昊其瑞伊何豐年之兆

豐年穰穰頌聲洋洋其始自今奕世無疆

附平西蜀頌

并序

誠意伯劉基撰

臣聞天命

真主混一六合必先有以爲之驅除然後收拾  
以歸其籠自古及今同一揆矣是故冬寒  
之極必有陽春激湍之下必有深潭大亂  
之後必有大治理則然也元德既衰九土  
糜沸鷓鴣張狼顧之豪彌滿山澤萬姓魚喁

魚容反

無所籲音告天乃命我



皇帝肅將武威代伐不道故一伐而定荆湖再  
伐而舉全吳三伐而海甸廓清四伐而東  
粵南閩悉歸版圖於是肆伐中原拾宋掇  
秦制趙拔燕兵鋒未至聲聞先及神虜鬼  
慄匍匐俯伏玄菟青海崑崙大漠交趾據  
耳之國罔不獻琛奉表稽首闕下無敢後  
者獨明昇竊據巴蜀雖遣使奉貢而不去  
偽號大臣皆請討之

皇帝憐其父沒子幼數遣使招之不至乃命將  
帥師伐之洪武四年大軍破瞿唐殺其將  
某郡邑鎮戍望風送款昇乃率其官屬奉  
璽印詣軍門請降蓋自建國至是凡五年  
而天下一統何其易邪固知天命有在而  
羣雄並起爲之驅除也臣基受恩深厚無  
能補報遙聞捷音歡喜踴躍不能自已謹  
撰平西蜀頌一首雖不足以贊揚聖德萬  
一亦聊以寓葵藿嚮日之忱云爾其辭曰  
惟彼蜀國開自蠡叢山川隔閩興華不通



震

金牛啓道厥竅斯鑿岷峨岵嶷始連井絡  
秦以之霸漢以之王諸葛用之震驚北方  
劔閣倚天瞿唐折地仰不可攀俯不可視  
蠢茲羗戎憑其險阻固知天命大邦是距  
沈沈虎臣受命于征出師桓桓如雷如霆  
如雷如霆

天子之威廟筭先定鬼神莫違靈旗揮揮指山  
山摧羗人失魂死魂死若死灰爰將其臣奉其  
版籍泥首軍門面縛銜璧六軍奏凱聲動

玄黃黧童白叟蹈舞康莊四海會同豐年  
穰穰慶雲甘露自天降祥臣拜稽首受天  
之佑受天之佑

天子萬壽

古今歷代標題註釋十九史略通考卷之八



今山二三子追慕新  
國之意通頌儀工布列  
一刊字於一板中寫了十  
九史略考一百餘部矣  
大築聚數年授讎冬差  
孰認其實詳略亦式從  
牛通矣庶免情施濤散



要令宇内之人知諸史  
端末而已

元和才二曆丙辰書卷中今辰

五山

守藤誌





